



## Universitätsbibliothek Paderborn

**Malvm Svmmi Mali Sive De infinita grauitate peccati  
mortalis Libri Qvinq[ve]**

**Pelecyus, Johannes**

**Monachii, 1615**

XVIII. Reliquiæ peccatorum tollendæ sunt.

[urn:nbn:de:hbz:466:1-52025](#)

adiuvari. In quantum pœnae vestre non peperceritis, in tantum vobis Deus parcer. Hæc sunt stercore, quæ infructuosæ sic cui adhibet agricola,

*Ad Lue. 3.* ait Nazianzenus; Ea qui non adhibet, indulgentiis opus habet, vel in purgatorio satisfacere, vel satis pati debebit; non intrabit enim in eam (gloriam) aliquid coinquinatum. Ex his omnibus colligitur grauitas peccati mortalis, quæ homini tam grauia, & sensui carnique tam molestia imponit.

## CAPUT XVIII.

*Reliquiæ peccatorum tollendæ sunt.*

**R**emisso peccato, sublatisq; pœnis temporalibus remanent reliquiæ quædā, debilitas scilicet resistendi malo, & in benefaciendo cōtradictio & rebello; ut enim corporis ægritudo, verbi

verbi gratia, febris, dimisso ægro,  
relinquit post se periculosa acci-  
dētia, laxationē stomachi, debi-  
litas cerebri, laterum contor-  
siones, inappetentiam, & alia  
de genere eodem; sic peccatum  
mortale etiam remissum relin-  
quit post se periculosa acciden-  
tia, quorum operā homo ægrè  
bonum, malum autem facile  
facit. Lasciuæ quidem pecca-  
tum sequitur impotentia resi-  
stēdi temptationibus carnis; Odij,  
vltionis appetitus, indignatio,  
impatientia. Et sic de cæteris.  
Earum reliquiarū residuorumq;  
ratione anima illud dicere po-  
test: *Nigra sum, sed formosa:* for-  
mosa per pœnitentiam & gra-  
tiā, nigra per reliquias, qua-  
rum atra fuligine egregij colo-  
res, animæ nouam gratiam of-  
fuscant. Hæ, vt peccatum sit  
penitus abolitum, gratiæq; lux

Cant. I. 5.

X 7 re-

470 Degrauitate pecc.mort.

resplendeat in anima , tolli ab homine debent. Magnam partem eas tollunt dona Spiritus Sancti, quae animę vnā cum gratia infunduntur ; stupiditatem quidem in rebus præsentibus scientia , in futuris improvidentiam consilium, in aduersis pusillanimitatem fortitudo, elevationem in prosperis timor, ignorantiam in diuinis sapientia, immisericordia aduersus pauperes pietas; adhiberi tamen debent præterea remedia alia; in ijs numerantur satisfactiones pro pœnis temporalibus, hanc enim vim illæ quoque habent; studium deinde bonorum operum, iteratio scilicet crebra sacramentorum , mortificatio passionum , inclinationum malorum abnegatio , frequentes lachrymæ; sicut enim mulieres tejas dealbaturæ , eas frequenter lauant,

lauant, vel aqua perfundunt;  
sic homo, ut candorem niue-  
um in animam suam inducat,  
plorare lachrymisq; s̄epe eam  
rigare debet, & cum Davide à  
Deo instanter petere amplius  
laua me. Quod si facere negli- *Ps. 50.*  
gat, miser erit suo modo, sibi q;  
facilem ad peccandum aditum  
aperiet.

**CAPUT XIX.**

*Relapsus in peccatum omni stu-  
dio cauendus est.*

**Q**ui ea, qua diximus, ratione,  
peccatum penitus sustulit,  
de cætero illud vitare debet, &  
cum dilecta Deo sponsa dicere:  
*Expliaui me tunica mea, quomodo* *Cant. 53.*  
*induar illa? Lauui pedes meos, quomodo*  
*inquinabo illos? Ad illud nos hor-* *Ps. 36.27.*  
tatur scriptura sacra his verbis:  
*Declina à mala. Et: Quiescite per-*  
*uersè*